



宋繫太平御覽




和装本

1 3

403

150



門 1 3
403
150



太平御覽卷第九百七十五

果部十二

甘蔗

扶留

芋

茨

蓮

藕



此係明八
冊八年八
月八日
所購山田
以慶一人
郎君



晉宮閣名曰華林園芭蕉二株

南夷志曰南詔土無食器以芭蕉葉藉之

廣志曰芭蕉莖或曰甘蔗莖如荷芋重皮相裹大如孟升

葉廣二尺長一丈子有角子長六七寸或三四寸生爲行

列兩兩共對若相抱形剥其上皮色黃白味似蒲萄甜而

餽人其根大如芋魁大一石青色其莖解散如絲織以爲

葛謂之蕉葛雖脆而好色黃白不如葛色出交陞建安

南州異物志曰甘蔗草類望之如樹株大者一圍餘葉長

一丈或七八尺廣尺餘二尺許花大如酒杯形色如芙蓉
著莖末百餘子大名爲房根似芋塊大者如車轂實隨華
每華一闔各有六子先後相次子不俱生花不俱落此蕉
有三種一種子大如雞卵似牛乳味微減羊角蕉一種大
甘如一種子大如雞卵似牛乳味微減羊角蕉一種大
如耦子長六七寸形正方少甘味最弱其莖如芋取以灰
練之可以紡績

異物志曰芭蕉葉大如筵席其莖如芋取鑊煮之爲絲可
紡績女工以爲締絡今交趾葛也其內心如蒜鵝頭生大
如合梓因爲實房一房有數十枚其實皮赤如火洞之中
黑剝其皮食其肉如蜜甚美食之四五枚可飽而餘滋味
猶在齒牙間一名甘蕉

顧微廣州記曰甘蕉與吳花實根葉不異真是南土暖不

經霜凍四時花葉展其熟甘未熟時亦苦澁也

南方草物狀曰蕉樹子房相連累甜美亦可蜜藏

遊名山志曰赤巖山水石之間唯有甘蕉林高者十丈

卞敬宗甘蕉讚曰扶踈似樹質則非木

吳錄地理志曰始興有扶留藤緣木而生味辛可以食檳

榔

蜀記曰扶留木根大如箸視之似柳根又有蛤名古賁生

水中取燒爲灰曰牡厲粉先以檳榔着口中又扶留長寸

古賁灰少許同嚼之除胃中惡氣

異物志曰古賁灰牡厲灰也與扶留檳榔三物合食而後
善也扶留藤似木防已扶留檳榔所生相去遠爲物甚異
而相成俗曰檳榔扶留可以忘憂

交州記曰扶留有三種一名穫扶留其根香美一名南扶留葉青味辛一名扶留藤味亦辛
廣志曰扶留藤緣樹生其花實即蒟也可為醬
左思吳都賦曰石帆水松東風扶留

說文曰齊人謂芋為莒

孝經援神契曰仲冬昂星中收莒芋

宋均曰莒亦芋

廣雅曰藉如水芋也亦曰烏芋

漢書曰汝南郡有鴻隙大陂翟方進為丞相奏破之郡中
追怨童謠曰壞陂誰翟_方威飯我豆食羹芋魁

漢書曰秦破趙遷卓氏曰吾聞岷山之下沃野下有蹲鴟

芋也至死不飢乃求遠遷致之臨邛至僅百人

崔鴻十六國春秋蜀錄曰李雄尅成都衆甚飢餒乃將民

就穀於鄴掘野芋而食之

南史孝義傳曰鮮于文宗漁陽人年七歲喪父父以種芋
時亡至明年芋時對芋嗚咽如此終身

汜勝之書曰區種芋法區收三石

汝南先賢傳曰袁安字召公除陰平長時年飢荒民皆菜
食租入不單安聽使輸芋曰百姓飢困長何得食穀先自
引芋吏皆從之

汝南先賢傳曰蔣苞歸先人家側種稻芋以祭祀芋以充
飢耽道說禮玄虛無為

列仙傳曰酒客為梁承使民益種芋三年當大餓卒如其
言梁民不死

風土記曰博士芋蔓生根如鵝鴨卵

華陽國志曰何隨字季業蜀郡人母亡歸送吏飢輒取道

側民芋隨以帛繫其處使足所取直長相語曰開何安漢
清民取糧令為之償
博物志曰野芋食之煞人家芋種之三年不收後旅生亦
不可食
廣志曰北十四芋有君芋大如魁有車轂芋有旁巨芋有
青邊芋此四芋魁大如餅少子葉如織蓋細色紫莖長丈
餘易熟長味芋之最善者也莖可作羹臠有蔓芋綠支生
大者二三升有雞子芋色黃有百果芋似收百斛有單芋
七月熟有九面芋大不美有蒙控芋有青芋有曹芋子皆
不可食莖可為茹又有百子芋出葉榆縣有魁芋無旁子
生永昌
本草經曰芋土芝八月採
左思蜀都賦曰瓜疇芋區

爾雅曰菱厥櫟

郭璞注曰今水中菱也

尚書大傳曰鉅野菱

鉅野大野也魯藪今蜀山陽也

周書曰冬食菱藕

周禮天官甸人職曰加籩之實菱

國語曰屈到嗜菱有疾召其宗老而屬之

屈到楚卿宗老家臣

我必以菱及祥宗老將薦菱加建命去之

建屈到之子

守不以私欲干國之典也

漢書循吏傳曰龔遂為渤海太守勸民秋冬益蓄菓實菱

謝承後漢書曰表閔父賀為彭城相亡閔到郡迎喪飢食

菱芡渴飲行潦

梁書曰魚弘為湘東王鎮西司馬述職西上道中乏食緣

路探菱作菱飯給所部弘度之所後人覓一菱不得又於窮洲之上捕得獼猴數百為脯以供酒食

淮南子曰楚靈王作章華之臺棄疾承民之怨而立公于比百姓避而去之乃食芰飲水枕塊而死

呂氏春秋曰厲叔事莒閔公自以為不知而去居於海上夏日則食菱芡冬日則殮橡栗

杜恕篤論曰夫萍之浮與菱之浮相似也菱植根萍隨波是以堯舜歎巧言之亂德仲尼惡紫之奪朱

風俗通曰殿堂象東井形刻作荷菱水物所以厭火也羅浮山記曰綏寧縣元龜淵中出菱甚為甘旨

廣志曰鉅野大菱大於常菱淮漢以南凶年以芰為蔬范注祠制曰孟秋之祭菱芡

楚辭曰制芰荷以為衣兮集芙蓉以為裳

左思蜀都賦曰其沃贏則有綠菱紅蓮

潘岳西征賦曰鳧躍漸啜菱芡

郭璞江賦曰忽忘夕而宵歸詠採菱以叩舷

曹植九愁曰採菱華而結辭

孫楚論屈建文曰加籩之品菱芡存焉楚多陂塘菱所生父自嗜之而抑按宰祝既毀就養無方之禮又失奉死如生之義奪平素欲建何忍焉

周禮天官甸人職曰加籩之實芡

漢書曰龔遂為渤海太守勸民冬益蓄果實菱芡

淮南子曰狸頭愈鼠雞頭已瘻音漏鼠鬻人創狸愈之瘻亦愈瘻頭腫疾雞頭水中草幽州

崔豹古今注曰芡雞頭也一名雁頭一名芡葉似荷而大

葉上蹙紐如沸實有芒刺其裏如珠可以療飢止渴

方言曰菝音芡雞頭也北燕謂之菝青徐淮泗之間謂之

芡音文曰芡雞頭也

廣雅曰南楚江湘之間謂之雞頭或謂之鴈頭

本草經曰雞頭一名鴈實生雷澤

劉駒駘玄根賦曰芳林臻臻朱竹離離菱芡吐榮若攬錦

而布繡

蓮

爾雅曰荷芙蕖其實蓮蓮謂房也其中的蓮中的中薏中薏者也

毛詩陳宛丘澤陂曰彼澤之陂有蒲與蓮有美一人碩大

且卷

史記曰龜千歲遊於蓮葉之上焉

吳時外國志曰大秦國有蓮藕雜菓

宋起居注曰元嘉十八年有司奏揚州刺史王濬解稱州

治後池有兩蓮駢生雙房分體又十六年華林丞伍泳刺

雙蓮同幹秀出華池

宋起居注曰泰始二年八月嘉蓮雙葩並實合跗同莖生

豫州鯉湖又六年雙蓮一蒂生東宮玄圃池

三國典略曰齊主遷鄴高麗新羅並遣使朝貢先是徐州

蓮一莖兩蒂占云異木蓮枝遠人入款斯其應也

北齊書曰後主武平中特進侍中崔季舒宅中池內蓮莖

皆作胡人面仍著鮮卑帽俄而季舒見煞

三國典略曰周平齊齊幼主胡太后等並歸于長安初武

成殂後有謠云千錢買菓園中有芙蓉樹破券不分明蓮

子隨他去調甚悲苦至是應焉

又曰高緯所幸馮淑妃名小怜也
 後唐書曰監軍張承業本朝舊人權貴任事人主脅肩低
 首候之唯馬郁以滑稽侮狎每賀僚宴集承業出異方珍
 菓陳列於前客無敢先嘗者當郁前者食必盡承業私戒
 主膳者曰他日馬監至唯以乾蓮子置前而已郁至窺之
 知其不可啖異日韉中置鐵鏡出以擊之承業大笑曰爲
 公易饌勿敗予按
 夏侯孝若芙蓉賦曰綠房翠葉紫飾紅敷黃螺圓出垂糝
 散鬚纓以金牙點以素珠
 孫楚蓮華賦曰攢聚星列纖離相扶曠若玄黎投幽夜粲
 若鄧林飛鵠鷁
 樂府歌曰江南可採蓮蓮葉何田田

藕

蘇藕菜

爾雅曰荷芙蕖其根藕

以時外國志曰大秦國有蓮藕雜菓

齊書曰永明中巴東王子響殺行事劉夤等武帝聞之謂

群臣曰子響遂反戴僧靜大言曰諸王應自反豈唯巴東

武帝問其故荅曰天王無罪而一時被囚一挺藕一盃漿

皆謫籤師籤師不在則音日忍渴

唐史曰蘇州進藕其最上者名傷藕或云荷名或云葉甘

爲蟲所傷或云故傷其葉以長其根近多重臺荷蓋蓮實

中又生花亦甚異也

司馬相如子虛賦曰咀嚼菱藕

夏侯孝若芙蓉賦曰咀菱藕於玄泉

謝朓詩曰秋藕折輕絲

又曰飯蔬食飲水曲肱而枕之樂亦在其中矣

尚書大傳曰煞君之室雖生美菜有義之士弗食

後漢書曰劉平與母俱匿野澤中平朝出求食逢餓賊將

烹之不叩頭曰今且為老母求菜母老將平為命願得先

歸食音嗣下同母畢還就死因涕泣賊見其至讓而遣之平還

既食母訖因白曰屬與賊期義不可欺遂還詣賊眾皆大

驚相謂曰常聞烈士乃今見之子去矣吾不忍食子於是

得全

又曰崔瑗愛士好賓客盛脩肴膳殫極滋味不問餘產居

常蔬食菜羹而已

謝承後漢書曰汝南鍾南嚴海君少時鄉人有入其園竊

菜者明日拔菜悉遺鄉里鄉里人相約無復取菜者

又曰彭城刀曜字子卿為漁陽相前相所種菜悉付還外

魏志曰倭國地温冬夏食生菜

吳書曰趙咨使魏魏人曰聞江東有菹音端蹄菜作若為食

咨曰當得倉助康鮓以作羹

王隱晉書曰皇甫謐姑子梁柳為城陽太守或勸謐曰柳

為布衣過吾吾送迎柳不出門食不過鹽菜貧不以酒肉

為禮也今而送是貴城陽太守而賤梁鴻季也豈中古人

之道哉

又曰邵續為石勒所執身灌園鬻菜以供衣食勒屢遣察

之歎曰此真高人矣不如是安足貴乎嘉其清苦賜穀帛

每臨朝嗟歎以鬪羣官謂刺史人與菜

又曰桓温性險每讌唯下匕奠拌菜果而已

又曰吳隱之母喪哀毀嘗鹹菹以其味旨輟而弃之及為

廣州清操愈勵常食不過菜及乾魚而已帷帳器服皆付

外庫時人頗謂其矯然亦始終不易也
宋書曰張敷父在某興亡成服凡十餘日始進水漿葬畢
不進鹽菜遂毀瘠成疾
又曰宋慤以軍功封洮陽侯先是鄉人瘦葉家豪富侈侯
服玉食與賓客相對膳必方丈而爲慤設粟飯菜菹謂客
曰宗上車串噉籠食慤致飽而退初無異辭至是爲慤長
吏帶梁郡慤待之甚厚不以昔事爲嫌
又曰柳元景爲三公時在朝勳貴多事產業唯元景獨無
所營南岸有數十畝菜得錢三萬還宅元景怒曰我立此
園菜以供家啖耳乃復賣以取錢奪百姓之利耶乃以錢
乞守園人
又曰王玄謨柳元景相護之雖並北人而玄謨獨受者倉
之目凡諸稱爲四方書疏亦如之嘗爲玄謨作四時詩曰

董茹供春膳粟漿充夏食匏醬調秋菜白醯解冬寒
又曰朱脩之姊在鄉里飢寒不立脩之貴爲刺史未曾供
膳往姊爲設菜羹麪飯以激之

齊書曰晉永嘉五年曲陽縣市黃慶宅左右有園東南廣
數丈每種菜輒鮮異雖加採拔更生夜恒有白光似懸綃
道士傅德占使人掘之三尺獲玉印文曰長承萬福
又曰宜都王鏗生三歲喪母及有識問母所在左右告以
早亡便思慕蔬食自悲不識母
又曰江泌性仁孝食菜不食心以其有生意唯食老葉而
已
南史隱逸傳曰沈道虔辟州府凡十二命皆不就
有竊園菜者外還見之仍自逃隱待竊者去後乃出
梁書曰武帝太官常膳唯以菜蔬圓案所陳不過三盞

又武帝詔曰今雖無復牲腥猶有脯脩之類卽之幽明義
爲未盡可更詳定悉薦時蔬左丞司馬筠等參議大餅代
大脯餘悉用蔬菜帝從之

三國典略曰梁蕭棟字吉豫章安王權之子也侯景以法
駕迎棟時棟與其妃執鋤種菜忽然見逼駭愕久之

後魏書曰甄琛母曹氏有孝性夫氏去家路踰百里每得
魚肉菜菓珍羹口實者必令僮僕走奉其母乃後食焉

又曰高閭曾造胡叟短褐曳柴從田歸舍爲閭設濁酒蔬
食皆手自辦案其館宇卑陋園疇褊局而飯菜精潔醯醬

調美見其二妾並年衰跛眇衣布穿弊閭見其貧約以衣
服直十餘疋贈之亦無辭媿

又曰盧義偉性清儉不營財利雖居顯位每至困乏麥飯
蔬食忻然甘之

三國典略曰北齊王以鄴清風園賜穆提婆於是官無蔬
菜賒買於人負錢三百萬其人訴焉斛律光曰此園賜提
婆一家足不賜提婆百官足

又曰庫狄士文爲貝州刺史性清苦不受公料家無餘財
其子嘗噉官厨餅士文枷之繫獄累日杖之一百步送還

京僮隸無敢出門所買菜必於外境凡有出入皆封署其
門親故絕迹慶吊不通

隋書曰姚察陳亡入隋詔授秘書丞別勅成梁陳亡史又
勅於朱華門長參文帝察蔬菲別日召入內殿賜果菜指

謂朝臣曰朕聞姚察學行當今無比我不陳只得此一人
唐書曰太宗回次易州界司馬陳元壽令百姓種蔬坵上

而微火煦之欲其速生以擬供進太宗聞之責其諂媚詔
免官

又曰太宗時健達獻佛土菜一莖五葉花赤中心正黃而藥子紫色泥婆羅獻波稜菜葉類紅藍實如蒺藜火熟之能益食味又有酢菜狀似芹而味香渾提葱其狀猶葱而甘辛

又曰高宗時司農欲以冬藏餘菜賣之百姓以墨勅示僕射蘇良嗣良嗣判曰昔公儀相魯拔去園葵况臨御萬邦而販蔬鬻菜事遂不行
又曰王昇爲刑部尚書性貪悛不常在公乃鬻公廨菜園收其價錢以自潤甚爲時論所醜
又曰中書園蔬日給於衆官者主事白常袞減其數崔祐甫怒訶主事曰此相公之命祐甫大詬曰門下侍郎安得理中書之蔬叱左右踣主事而拽之白是與袞常不平
又曰貞元七年冬司農卿李模免官初司農當供三官冬

菜二千車以度支給車直稍賤又阻雨菜敗模以度支爲辭上責其不先聞故免之先是模奏司農菜不足請京兆府市之尹薛班萬年令韋彤以禁人私賣上命奪班俸一月彤俸三月

又曰貞元中奚陟爲中書舍人以所得雜給均分省內官又躬親庶務下至園蔬皆悉自點閱人以爲難而陟處之無倦

莊子曰宣尼窮於陳蔡之間顏回擇菜

孔叢子曰菜謂之蔬

金樓子曰秦始皇聞鬼谷先生言因遣徐福入海求金菜

玉蔬
說苑曰楚文王伐鄧使王子革王子靈共掃菜二子出見老丈人戴畚乞焉不與搏而奪之王聞之令皆拘二子將

煞之大夫辭曰取畚信有罪然煞之非其罪也君若何煞之言卒丈人造軍而言曰鄧爲無道故伐之今君公之子搏而奪吾畚無道甚於鄧乎呼天而號君聞之羣臣恐君見之日討有罪而橫奪非所以禁暴也恃力虐老非所以教幼也愛子棄法非所以保國也私二子滅三行非所以從政也丈人舍之矣謝之軍門之外

又村楚莊王賜虞丘子采田三百號曰國老以孫叔敖爲令尹

呂氏春秋曰菜之美者壽木之華枯姑之東赤木玄木之葉餘簪之南有菜名嘉樹其色若碧

相譚勸論曰董仲舒專精於述古年至六十餘不窺園中

菜論例
山東六賢傳曰表卞字叔隰陝慮人種采一園左右竊取

度溝瀆下乃爲之橋其敦義如此

漢武內傳曰西王母云上仙之藥有碧海之狼菜

孝子傳曰北平陽公輦水作漿兼以給過者公補履屨不取其直天神化爲書生問云何不種菜曰無菜種卽與數升公種之化爲白璧餘皆爲錢公得以娶婦

廣州先賢傳曰丁密蒼梧人非家織布不衣非己耕種菜菓不食

杜蘭香別傳曰香降張碩賈瓦榼酒七椀多菜而無他味亦有世閒常菜輒有三種色或丹或紫一物與海蛤相類并有非時菜碩云食之亦不甘然一食七八日不飢

荆楚歲時記曰正月七日謂爲人日採七種菜以爲羹兩京記曰隋大業六年諸夷來朝請入市交易煬帝許之於是修飾邸店皆使薨守齊正卑高如一環貨充積人物

華盛帝崇侈麗不賣菜者亦以龍鬚席籍之

魏王花木志曰吳郡邊海諸山悉生紫菜

崔豹古今注曰菹荆楊州人謂菹為菹

杜寶大業拾遺錄曰徐孝頴性仁孝嘗在園中晝卧見人

盜菜徐徐轉身向裏恐偷者見之仁行退讓皆此類也

漢張竦奏曰古叛逆之國瀕其宮室以為汙池名曰凶墟

雖生菜蔬而民不食

韭

詩曰四之口其蚤獻羔祭韭

禮曰庶人春薦韭韭曰豐本

爾雅曰霍山韭今山中多有此菜皆如人家所種者

說文曰菁韭華韭菜一種久而生也象形在地上北也

通俗文曰韭根曰芟

山海經曰邊春之山生山韭丹重之山其草多韭

穀梁傳曰古者公田為井居竈葱韭盡取焉

漢書曰龔遂為渤海太守民以種一畦韭

晉書曰石崇為客作豆粥咄嗟便辦每冬得韭蒔音壘王

愷每以此事為恨乃密貨崇帳下問其所以荅云豆至難

煮豫作熟有客來作白粥以投之耳韭蒔是擣韭根雜

以麥苗耳

又曰溫嶠滅王敦先是童謠曰剪韭剪韭斷楊柳河東小

子令我與子以為賊如韭柳尋得復生也

晉書後略曰成都王圍京邑城中無菜採陳韭芥以為膳

菜

齊書曰周顒隱鍾山王儉謂曰卿在山中何所食荅曰赤

米白鹽綠葵紫蓼又問何者最佳曰春初旱韭秋暮晚菘

又曰庾杲之字景行爲世祖征虜功曹清貧食唯韭菹滷
韭雜菜或戲之曰誰言庾郎貧食鮭嘗有二十七種韭言
三九也

三國世略曰北齊太上後宮無限衣皆珠玉一女歲費萬
金寒月盡食韭牙

莊子曰徐無鬼見武侯武侯曰先生居山食芋壓葱韭今
老病欲酒肉之味耶無鬼曰君爲萬乘之主苦國以義耳
目君病矣何勞吾乎

列子曰老韭爲菟者踰爲猿

魯連曰市虬者僕妾膾炙而食市饒也壘泉沃韭織履
之士從兄弟室父往而不得粗糲音備焉非愛其僕妾惡其
室父也此其饒羨之與不足也
說苑曰衛有一夫負缶入井灌韭終日一區鄧哲過教之

曰有機重後輕前命曰桔槔終日訖九百區丈夫日有機
智必有機心我非不知不欲爲也

正論曰小民髮如韭剪復生頭如雞割復鳴吏不必可畏
從來必可輕奈何欲望致州厝乎

漢武內傳西王母曰仙次藥有八阮赤韭
繆襲祭儀曰春祀和羹苴以韭

水經曰交州平樂山多龍穴傍生野韭人往乞者神許則
風吹制分隨偃而拔不得過越不偃而拔輒凶也

楊銜之洛陽茹藍記曰李崇爲尚書令儀同三司富傾仄
下僮僕千人而性多儉悛惡衣麤食食常無肉止有韭茹
韭菹崇家客李元祐語人云李令公一食十八種人問其
故元祐曰二十九十八聞者大笑世以此爲譏
諸葛亮教張君嗣曰去婦不顧門妾韭不入園以婦人之

義熙起居注曰十年有司奏太常謝澹遣四人還家種葱
菜免官晉書曰居洛陽城十里內有園菜欲以當課聽引其長流
灌紫葱晉書曰石勒時石聰將叛佛圖澄戒勒曰今年葱中有蟲
害人百姓無食葱俄而石聰走晉書曰姚興種葱皆化爲韭其後兵戈日盛
後周書曰宣帝大象年左衛園中葱變作韭
梁書曰呂僧珍拜南兖州刺史從父兄子先以販葱爲業
等自有常分豈可妄求叨越當速反葱肆耳
金樓子曰名山之下生葱葱薤者是古人食石種也故語
曰寧得一把五茄不用金玉一車寧得一片地榆不用明

月寶珠五茄一名金鹽地榆一名王鼓惟此二物可煑石
又曰用紫芝煑石石美如脂食之可更調五味下橘皮葱
鼓

漢武內傳曰西王母曰仙上藥有玄都綺葱
列仙傳曰阮公者鳴山上道士也衣裘髮覆耳耳長六七
寸口中無齒日行四百里於山上種葱薤百餘年人不知
也
春秋元命苞曰天門山上有葱所種畦壟悉成行人拔取
者悉絕若請神而求即不拔自出奇異辛香
繆襲祭儀曰秋祀和羹苒以葱
西河舊事曰葱領在燉煌西八千里其山高丈故曰葱嶺
也河源潛發其嶺分爲二水一水西經休循國國在葱嶺
也

郭義恭廣志曰休循國居葱嶺其山多大葱
華陽國志曰曹公既與先主語失匕會天震雷先主曰賢
人言迅雷風烈必變良有以也曹公亦悔失言使人覘之
見其拔葱公曰大耳公未覺也其夜先主急去

廣志曰有胡葱木葱
巴南山川記曰有石蒜石葱

續搜神記曰新野趙貞家園中所種葱未經抽拔忽一日
盡縮入地後經歲餘真之兄弟相次分散

揚雄蜀都賦曰萬條熒熒翠藻青其其摘錦布繡望之無疆
潘岳閑居賦曰菜則有葱韭蒜芋青荀紫薑薑齊甘日蓼

蘇芬芳

爾雅曰勁巨盈切山薤今山中多有此菜皆如人家所種

又曰薤鴻薈也即薤菜也

漢書曰龔遂為渤海太守令民一口種百本薤

後漢書曰龐參為南陽太守郡人任棠者有奇節隱居教
授參到先候之棠不與言但以薤一本水一盂置戶屏前

自抱孫兒伏戶下主簿自以為僭參思其微意良久曰棠
是欲曉太守也水者欲吾清也拔大本薤欲吾擊強宗也

抱兒當戶欲吾開門恤孤也於是歎息而還參在職果能
抑強助弱以惠政待人

魏略曰李孚字子憲為諸生常種薤欲以成計有求索不
與一莖亦不自食時人謂之能行意

世說曰桓公座有參軍猗音羈勛取物也蒸薤不時解其食者又
不助而猗終不放舉座皆笑

又曰蘇峻亂庾公南奔見陶侃雅相重及食庾噉薤因留

白陶尚用此何為庚云故可種於是尤歎
列仙傳曰務光服蒲蕪根
荊州圖副曰筑陽縣有蕪山山多野蕪因以為名食作又
古詞曰蕪上朝露何易稀
潘岳閑居賦曰白蕪負霜

爾雅曰蕪力的山蕪今山中多有此菜皆如人家所種

說文曰蕪菜之美者雲夢之蕪菜
東觀漢記曰李恂為兗州刺史前刺史所種園小麥胡蕪

悉付從事無所留
謝承後漢書曰江夏費遂字子奇為揚州刺史悉出前刺

史所種小麥胡蕪付從事
又曰太原閔仲叔者代稱節士雖同黨之潔清白以弗及

也同黨見其含菽飲水遺以生菽受而不食

王隱晉書曰郗詵母病苦車及亡不欲車載乃養雞種菽
得馬入疋輿棺至冢

齊書曰豫章王大會賓僚張融食炙始畢人便去融欲求
鹽菽口終不言方搖食指半日乃息

梁書曰邵陵王使賊煞何智通既擒賊智通子做之割炙
食之即載出新亭四面火炙之煮熟敵之車載錢設鹽菽

雇百姓食之撒一嚮賞載錢一千徒黨并母肉遂盡
抱朴子曰謂夏必長而菽麥枯謂冬必凋而竹柏茂

正部曰張騫使還始得大蒜苜蓿
三輔決錄曰平陵范氏南陽舊語曰前隊大夫有范仲公

鹽鼓菽類共一箭言其廉儉也
表子正書曰表子曰吾嘗與陳子息於鄴東門之外見一

老父方坐而食其子授之蒜食必有餘欲弃則惜欲持去則暑遂盡食於是太辛螫其腸胃兩目盡赤陳子笑之吾謂日子之家中牛羊數千而不敢食天暑有暍音死者而後食之病子之軀亦由是也

晉四王起事曰成都王穎奉惠帝還洛陽道中於客舍作食宮人持斗餘粳米飯以供至尊大蒜鹽豉到獲嘉市釐米飯瓦孟盛之天子噉兩孟燥蒜數株鹽豉而已
顏氏家訓曰三輔決錄云前隊大夫范仲公鹽豉蒜顆共一筭顆當音魏顆之顆北土通呼物一段爲一顆蒜是俗間常語耳故陳王雀鷓賦曰頭如蒜顆口似擘椒
崔豹古今注曰蒜卯蒜也俗語謂之小蒜胡國有蒜十子共爲一株二籜裹之名爲胡蒜九辛於小蒜俗人謂之大蒜

寮報記曰梁廬陵王蕭績在荊州時常遣從事量括民田南陽樂孟卿亦充一使公府舍人韋破虜發遣試勅失王本意及孟卿以數誤得罪破虜惶懼不敢引愆但誑孟卿公自爲當爲公分雪無勞訴也數日之間遂斬於市孟卿號叫無由自陳唯語人以紙筆隨飲死後少日破虜在槽上看牛忽見孟卿挈頭而入持一椀蒜齏與之破虜驚呼奔走不獲已而服之因爾病未幾乃卒

廣五行記曰唐咸亨四年洛州司戶唐望之冬集計至五品進止未出閒有僧來覓初不相識延之共坐少頃閒日貧道出家人得飲食亦少以公名故闍相記能設一頓鱸否司戶欣然卽處分買魚此僧云看有蒜否司戶家人云蒜盡僧云蒜盡去也卽起留之云蒜盡遣得買僧云蒜旣盡不可更佳苦留不止司戶果無疾暴亡

延薦與李文德書曰五折張騫大宛之蒜

潘泥鈞賦曰西戎之蒜南夷之薑

茄

梁書曰蔡樽為吳興太守不飲郡井水齋前自種白莧紫

茄以為常餌詔褒其清加信武將軍

杜寶大業拾遺錄曰四年改胡牀為交牀改胡瓜為白露

黃菘改茄子為崑崙紫菘

嶺南異物志曰南土無霜雪生物不復凋枯種茄子十年

不死生子人皆攀緣摘之樹高至二丈

嶺表錄異曰南中草菜經冬不衰故蔬園之中栽種茄子

宿根有二三年者漸長枝幹乃為大樹每夏秋熟則梯樹

摘之三年後樹漸老子稀即伐去別栽嫩者

薑

春秋運斗樞曰璇星散為薑失德逆時則薑有異辛而不

臭也

援神契曰薑禦温菜也

禮記檀弓上曰喪有疾食肉飲酒必有草木之滋焉以為

薑桂之謂也

論語鄉黨曰不撤薑食

撤去齋菜薑物薑辛而不臭故不去也

韓詩外傳曰宋玉因其友兒楚相楚相待之無以異讓其

友其友曰夫薑桂因地而生不因地而辛女因媒而嫁不

因媒而親子之於王未也何怨於我也

史記曰萬家之城千畦薑與千戶侯等

魏志曰倭國有薑不知其滋味

齊書曰孔琇之為臨川太守在任清約罷郡還獻乾薑二

斤武帝嫌其少知琇之清乃歎息

梁書曰周捨占對辯捷嘗居直盧語及嗜好裴子野言從來不嘗食薑捨應聲曰孔稱不撤裴乃不嘗一坐皆悅
呂氏春秋曰和之美者楊璞之薑招搖之桂
楊璞地名在蜀郡招搖山
名在越駱之箇
神仙傳曰吳孫權曰權使介象作變化種瓜菜百菓皆立生可食先主論膾魚何者最美象曰鯰魚爲上先主曰論近道魚耳此出海中安可得乎象曰可得耳乃令人於殿庭中作方坑汲水滿之并求鈎象餌之垂綸於坑中不過頃得鯰魚先主驚喜問象曰可食否象曰故爲陛下取安敢取不可食之物乃使廚下切之先主曰聞蜀薑作齏至佳此閒薑永不及也恨爾時無此薑耳象曰蜀薑豈不易得願差所使行者并付以直象自書一符以青竹杖使行人閉目騎杖杖止便買薑買薑畢復閉目此人承其言騎

須臾止已到成都不知是何處問人人言是蜀市乃買薑于時吳使張溫於市見之問曰與帝買薑於是甚驚作書寄家此人買薑畢捉書騎竹杖閉目後須臾已還到吳廚下切膾亦適了也

李先生傳曰郎中喬馮於牛渚遇神人意欲啖薑而市無之神人以綃數匹并書一牒付信入市門南下任意所如須臾得薑數斗還以問神人神人曰問李先生當知我博物志曰伏波將軍唐資傳蜀人煞薑法先洒掃別籠細爲三輩盛着籠中作沸湯沒籠着湯中須臾取一片橫截斷視其熟否裏既熟訖便內着甕中細擣米末以覆上令薑不見訖以向湯令復沸使相淹消息視甕中當自沸沸便陰乾之
又曰任娠者不可啖生薑令兒盈指

嶺表錄異曰山薑花莖紫即薑也根不堪食而於葉開吐
花穗如麥粒嫩紅色南人選未拆開者謂之含胎以鹽淹藏入
甜糟中終冬如琥珀香辛可重用為膾無加也謂之甜薑
又曰以鹽藏曝乾煎湯食之極能治冷氣木末以薑汁令

爾雅曰蘇桂桂也蘇桂類故人無薑者其味酸

方言曰周鄭之間謂之公蕡湘沅之間謂之營湘沅在

沙州記曰乞佛虜不識五穀唯食蘇子蘇子一名蘇

本草經曰芥菹一名水蘇吳氏曰假蘇一名劉薑而市

太平御覽卷第九百七十七

太平御覽卷第九百七十八

菜茹部三

瓜

易史卦曰九五以杞包瓜含章有隕自天杞木之柔者

龍魚河圖曰瓜有兩鼻者煞人

詩曰文王之興木由太王也綿綿瓜瓞民之初生自土沮漆

與也箋云瓜之本實繼先歲之瓜必小狀似瓞故謂之瓞

綿綿然若將無長大時與者喻后稷乃帝嚳之曾封於邰

其後公劉失職遷于豳居沮漆之地歷世亦綿綿然至太

王而得其民心而生王業故本周之興云自沮漆也耳

大戴禮曰五月乃瓜乃者治瓜之辭也瓜也者始食瓜八

月剥瓜蓄瓜時也

禮曰為天子剖瓜者副之中以絺副拆也既剖之四析為

國君華之中以綌華中製之為大夫累之果傑也傑士寔

之不中裂橫斷去庶人齧之不橫

又月令曰仲冬之月行秋令則天時雨汁瓜瓠不成雨汁者冰

左傳曰齊侯使連稱管至父戍葵丘瓜時而往曰及瓜而代暮戍公問不至請代不許故謀作亂

春秋運斗樞曰遠雅頌著倡優則李生瓜瓜者食瓜人

論語曰子路曰佛肸以中牟叛子之欲往也如之何子曰然有是言不曰堅乎磨而不磷不曰白乎涅而不緇吾豈匏瓜也哉焉能繫而不食

爾雅曰瓠切大結瓠切其紹瓠郭璞注曰俗呼瓠瓜為瓠紹者瓜蔓緒亦著子但小耳

史記曰邵平者故秦東陵侯秦破為布衣貧種瓜長安城東瓜美故世謂東陵瓜

漢書地理志曰燉煌古瓜州地生美瓜

續漢書曰牽牛星荆州謂之河鼓主關梁織女主瓜果

又曰安帝元初三年有瓜異本共生一瓜蒂時以為瓜者外延離本而實女子外屬之象也是時閹皇后與外親耿

寶共譖太子廢為濟陰王更外迎濟北王子擯立之

袁山松後漢書曰建和二年河東瓜兩體共蒂

後漢書曰施建字君子沛人也家貧母老常鬻力供養種瓜自給

應劭漢官儀曰太官菓丞官別在外掌菓瓜菜茹

吳志曰步騭字子山臨淮淮陰人避難江東單身窮困與廣陵衛旌同年相善俱以種瓜自給晝勤四體夜誦經傳會稽焦征羌郡之豪族吳錄曰征羌名人客放縱騭與旌求食其地懼為所侵乃共脩刺奉瓜也

吳錄曰姚翁仲嘗種瓜菜灌園以供衣食時人或餉一無

所受

晉書曰咸寧二年嘉瓜同齎生於成都

又曰皇甫謐年二十不學遊蕩無度或以為癡嘗得瓜果
轉進叔母任氏任氏曰孝經云三牲之養猶為不孝汝今
年餘二十日不存教心不入道無以慰我皇甫謐自敘同

又曰桑虞仁孝自天年十四喪父毀瘠過禮虞有園宅北
數里瓜菓初熟有人踰垣盜之虞以園援多棘刺恐偷見
人驚走而致傷損乃使奴為之開道及偷負瓜將出見道
通聞虞使除之乃送所盜瓜叩頭請罪虞歎然盡以瓜與
之

齊書曰建元初武帝即位到撫為司徒左長史先是武帝
與撫同從宋明帝射雉郊野渴倦撫得青瓜與上對剖食
之

又曰晉陵王子良夏月客至為設瓜飲

又曰郭原平以種瓜為業大明七年大旱瓜瀆不復通航
縣令劉僧秀愍其窮老開瀆下水與之原平日普天大旱
百姓俱困豈可滅漑田之水以通運瓜之航乃步他道往
錢塘貨賣

沈約齊記曰韓靈敏早喪父兄靈珎至孝母亡家貧無以
葬與靈珎種瓜靈敏朝採暮還復生未嘗減耗葬事由此
舉孝子傳同

梁書曰任昉卒武帝問方食西苑綠沈瓜投之於盤悲
不自勝因屈指曰昉少時常恐不滿五十今四十九可謂
知命

又曰郭祖深清儉常服故布衣素木按食不過一肉有嫗
餉一青瓜祖深報以正帛有富人効之以貨鞭而徇眾朝

又曰鄭灼字茂昭勵志好學多苦心熟若瓜時輒偃臥以瓜鎖心起便讀誦其篤志如此

北齊書曰蘭欽為廣州刺史前刺史新渝侯暎之薨南安侯恬權行州事翼得卽真及聞欽至嶺厚貨厨人塗刃以毒削瓜進之欽及愛妾俱死帝聞大怒檻車收恬削爵土後魏書曰楊愔典選多以言見取人時謗詞云尚書典選似貧人買瓜唯取大者

又曰郭祚以本官領太子少師祚曾從世宗幸東宮肅宗幼弱祚懷一黃瓠出奉肅宗時應詔左右趙挑弓深為世宗所信祚私事之時人謗祚者號為挑弓僕射黃瓠少師後周書曰王羆性儉率嘗有客與羆食瓜客削瓜侵膚稍厚羆意嫌之及瓜皮落地乃引手就地取而食之客甚有

愧色

又曰趙王招知隋文欲遷周鼎密欲圖之藏兵刃於帷席之間後院亦伏壯士文帝從者多在閣外唯楊弘元胄坐於戶側招以佩刀割瓜啗隋文未之疑元胄覺變扣刀而入招適以大觴親飲胄酒

北史曰宋瓊字普賢以孝稱母曾病季秋月思瓜瓊夢想見之求而遂獲時人異之

隋書曰文帝用法定制行署取一錢已上聞見不告言者坐至死自此四人共盜一穰桶三人同竊一瓜事發卽時行決

唐書曰杜如晦薨後太宗食瓜美愴然思之遂輟其半使
置之於靈座
又曰高宗子八人武后所出者自爲行弟長曰孝敬皇帝
監國仁明爲后所忌而鳩之次日雍王賢爲太子次日中
宗次曰睿宗及孝敬遇害諸弟嘗所不安晨夕懷懼雖父
母之前無由敢言乃作黃臺瓜詞令樂人歌之欲微悟上
意歌曰種瓜黃臺下瓜熟子離離一摘使瓜好再摘令瓜
稀王摘尚出可四摘抱蔓歸然太子竟亦流竄於黔州
又曰德宗建中初謀以高力士養女楊氏婦爲沉太后是
時沉氏故老已盡無識太后者上密使中人就洛陽視高
氏年狀頗同曩時太后嘗削瓜哺上刃傷左拇指高氏嘗
謂瓜亦傷左拇指中人皆闔官女子且非審識太后見上
仁孝有殊喜莫敢沮者高氏辭曰實非太后具陳族姓內

外以自明

又曰貞元四年夏右神策軍獻瑞瓜三蔓各爲一帶而生
三瓜

莊子曰朽瓜化爲魚物之變也

墨子曰今有入人場園取人瓜者得罰今之諸侯攻伐踰

籬人瓜者數千萬而自曰義也

秦子曰食瓜者雖去蒂何以連其根

孫卿子曰臯陶之色如削瓜

抱朴子曰五原蔡誕入山而還欺家人云至崑崙山有玉

瓜其形如世閒瓜但爲光明洞徹而堅須以玉井水洗之

便軟而可食

又曰曾參鋤瓜三足鳥集其冠孝故也

家語曰曾子芸瓜而誤斷其根曾皙怒以大杖擊其背曾

子仆地有頃乃蘇孔子聞之告門弟子曰參來勿內也曾
子使人請孔子孔子曰舜之事瞽瞍小捶則受大捶則走
參委身以待暴怒既身死陷父於不義不孝孰大焉
古文奇字曰秦改古文爲大篆及隸字周人多誹謗怨恨
秦苦天下不從而諸生到者拜爲郎凡七百人密種瓜於
驪山砌谷中溫魴瓜實成使上書曰瓜冬有實有詔下博
士諸生說之人人各異說則皆使往視之而爲伏機諸生
賢儒皆至焉方相難不決因發機從上墳之以土皆壓終
○古文璣語曰初刑史子臣謂宋景公從今已往五月五
日臣死後五年五月丁巳吳亡以後五祀八月辛巳君薨
刑史子臣至死日朝見景公夕死後吳亡景公懼思刑史
子臣之言將至死日乃逃於瓜圃遂死之求得已蟲矣
賈誼新書曰昔梁大夫宋就爲邊縣令與楚隣界梁亭楚

亭皆種瓜梁亭劬力數灌其瓜美楚人窺而稀灌其瓜惡
楚令以梁瓜之美怒其瓜之惡因往夜竊搔梁瓜皆有焦
者矣梁亭覺詰其尉欲報搔楚瓜宋就曰是構怨分禍之
道也令人竊爲楚亭夜灌其瓜令勿知也楚亭且而往瓜
則已灌瓜日以美楚亭往而察之則梁亭之爲也楚令大
悅因以餽楚王楚王聞之悅梁之陰讓也乃謝以重幣而
友於梁王新序

裴淵廣州記曰有瓜冬熟號爲金釵味乃甜美

廣志曰瓜之所出以遼東廬江燉煌之種爲美有烏瓜狸
頭瓜蜜甯瓜女臂瓜龍蹄瓜羊髓瓜又有魚瓜大瓜如斛
出涼州陽城瓜有青登瓜大如三升魁有桂枝瓜長二尺
餘蜀地溫食瓜至冬熟有春日瓜細小小瓣宜藏正月種
三月成有秋泉瓜秋種十月熟形如羊角色蒼黑

列仙傳曰溪父者南郡編人居山間有仙人常止其家從之買瓜教之鍊瓜與附子桂實服之一年能飛登山入水往來海邊又曰服闋者不知何許人常往來海邊諸祠中有三仙於祠中博賭瓜雇間使擔黃瓜數十頭令瞑目乃上方丈山神仙傳曰葛公冬為客散生瓜漢武內傳曰西王母謂上元夫人曰後造朱炎山陵食靈瓜其味甚好願此未久已七千歲矣又曰仙之上藥有空同靈瓜四劫一寶也道學傳曰褚雅字玄通人與其居常取水洒掃或夏月種瓜恣人來取伏侯古今注曰孝平帝元年武陵縣生瓜花如葱紫色實如小麥墮地復生

郭子橫洞冥記曰有龍肝瓜長一尺花紅葉素生於冰谷所謂冰谷素葉之瓜零陵先賢傳曰李融字元音承陽人固始侯相使其為政得吏民心屢致祥瑞甘瓜六子共莖璽書慰勞遷廣漢太守南岳夫人內傳曰夫人姓魏名華存性樂神仙季冬之月夜半清明有四真人並可年二十餘天姿秀穎玉靜室因設酒肴陳玄紫榛降寶靈瓜太上黃庭內景經注曰大霍山下有洞臺司命君之府也中有神靈瓜食之者至玄也荆楚歲時記曰七月七日設瓜果於庭中以乞巧有喜子布網於瓜上則為得巧劉向別錄曰尹都尉書有種瓜篇

鄭玄別傳曰民有獻嘉瓜者畢本同實縣欲表府文詞鄙
略君為改作又著頌一篇侯相高其才
吳越春秋曰吳夫差為越所敗遁而去得自生之瓜其實
已熟撥而食之問左右曰是乃冬有瓜近道而人不食何
也在若曰盛夏之時人食生瓜起居消傍瓜子復生故人
惡食
夏侯曾先會稽記曰曹娥父溺死娥見瓜浮其處即得父
屍
博物志曰人以冷水自漬至膝可頓啖數十枚瓜漬至腰
啖轉多至頸可啖百餘枚所漬水皆作瓜氣瓜味
搜神記曰吳時有徐光常行幻術於市里從人乞瓜其主
弗與使從索瓣種之俄而瓜蔓延生花實乃取食之因賜
觀者及視所賫皆亡耗矣

幽明錄曰安定人周敬種瓜時亢旱鬼為撻音水澆瓜瓜
大滋繁問姓名不答還白父嘗有惠於人否父曰西郭樊
營先作郡吏償官數百斛米我時以百斛助之其人已死
又曰孫鍾富春人堅父也與母居至孝篤信種瓜為業有
三少年容服妍麗詣鍾乞瓜愛樂無已為設食出瓜禮敬
躬勒歸去曰我等司命感郎見接之厚送出門三人曰山
中可作塚復言欲連世封侯為數世天子鍾曰數世天子
言訖悉化成白鶴
列異傳曰遼東丁伯昭自說其家有客字次節既死感見
待恩常為本家致奇異物試膺月中從索瓜得美瓜數枚
來在前不見形也
述異記曰豫章郡有盧松村羅根生於此村側墾荒種瓜
又於外立一神壇瓜始引蔓清晨行之忽見壇上有新板

墨書曰此是神地所遊處不得停止種殖可速去根生拜
謝跪呪曰竊疑村人利此熟地牛苗容或假託神旨以見
驅斥審是神教願更朱書賜報明早往看向板猶存悉以
朱代墨

任昉述異記曰漢章帝元元年上虞獻雙蒂瓜一實五色
又曰吳桓王時會稽生五色瓜今吳有五色瓜歲充貢獻
五行記曰梁吏部尚書何敬容夏患瘧疾寄在蔣山道士
館時忽見一人玄衣大帽立在帳側自稱楊胡靈料瓜四
枚云與公少時言訖因不見後數月敬容以罪免官
本草經云瓜一名土芝

吳氏本草曰瓜子一名瓣七月七日採可作面脂
劉禎瓜賦曰禎在曹植坐廚人進瓜禎爲立成辭曰含金
精之芳流冠衆瓜而作珍投諸清流一浮一藏析以金刀

四剖三離承之雕盤幕以織絺甘伴蜜房冷甚冰圭

嵇含甘瓜賦序曰世云三芝瓜一焉謂之士芝

張載瓜賦曰羊骹虎掌桂枝蜜筍玄表丹裏呈素含紅豐
敷外偉綠釀內醲

傅玄瓜賦曰白者如素黑者如漆黃踰金箱青伴含翠舊
有蜜筍及青括樓嘉味溢異鮮類寡疇一齧之頃至三搖

頸細肌密理多麤少瓣豐旨絕異食之不銷音烏懸切

陸機瓜賦曰夫其種族頭數則瓜樓定挑黃扁白搏金釵
蜜筍小青大斑玄音幹素腕狸首虎磻東陵出於秦谷桂

髓起於巫山

夏侯孝若梁田賦曰人果林造瓜田摘虎掌拾黃斑落蒂
離母漬以寒泉

左思蜀都賦曰其圃有瓜疇芋區

王廙洛都賦曰瓜則桂枝括樓絳麤青肌消暑蕩飭解渴
 療飢
 樂府歌詩曰君子防未然不飢嫌疑開瓜田不納履李下
 不整冠
 古詩曰甘瓜抱苦蒂美草生荆棘愛利防有刀貪人自還
 賊
 阮藉詩曰昔聞東陵瓜近在青門外連畛短阡陌母子相
 拘帶
 張華真人篇曰朱李生東苑甘瓜出西郊
 曹植求祭先王表曰乞請水瓜五枚

太平御覽卷第九百七十八

太平御覽卷第九百七十九

菜部部四

瓠

壺盧

蓼

葵

蕪菁

瓠

詩碩人曰齒如瓠犀

又曰八月斷壺

又曰匏有苦葉濟有深涉

陸機毛詩疏義曰匏有苦葉匏瓠也葉小可為羹揚州人

恒食至八月葉即苦故云苦葉

論語曰吾豈匏瓜也哉焉能繫而不食

爾雅曰瓠犀

魏略曰高辛氏有老婦人居王宮得耳疾醫為挑之得物

大如繭盛以瓠覆以盤化為犬五色因名盤瓠

晉書曰杜預病瘵吳人憚其智計以瓠繫狗之頸每大樹
似瘵斬使白乃題曰杜預頸及城平盡捕殺之

又曰祖逖在河南百姓感悅嘗置酒大會者老坐中流涕
曰吾等老矣更得父母死將何恨乃歌曰幸哉遺黎免俘
虜三辰既朗遇慈父玄酒忘勞甘瓠脯何以詠思歌且舞
其得人心如此

宋書曰徐文伯曾祖熙好黃老隱於秦望山有過客求飲
留一瓠瓢與之曰君子孫宜以道術救世當得二千石熙
開之乃扁鵲醫經一卷

齊書曰卞彬性好飲酒瓠壺瓢勺杭皮爲有茗皂冠十二
年不改易以大瓠爲火籠什物多諸詭異自號卞田居

後周書曰強練師不知何許人所至之處人皆敬而信之
晉公護未誅之前曾手持一大瓠到護第門外抵而破之

乃大言曰瓠破子苦未幾而獲誅諸子並伏法

管子曰一年之計莫若樹穀十年之計莫若樹木終身之
計莫若樹人瓜瓠葷菜不備國之貧也

莊子曰惠子曰魏王貽我大瓠之種我樹之而成實五石
以盛水漿其堅不能自舉剖之以爲瓢則廊落無所容非
不大也吾爲其無用剖之莊子曰夫子固拙於用大也

國語曰諸侯伐秦及涇莫濟叔向見叔孫穆子穆子曰豹
之業乃匏有苦葉矣不知其他叔向退召舟虞與司馬曰
夫苦瓠不材於人共濟而已是行魯人與莒人先濟

新序曰魏文侯見箕李墻壞不治問其故曰不時也又進
瓠羹文侯曰墻壞不築教我無奪民農功飴我瓠羹教我
無多斂百姓

王充論衡曰干將之刃未磨瓜瓠不能傷

又曰婦人疎孕者子活乳數者子死譬若瓠華多實少也
風俗通曰燒穰殺瓠俗說家人燒黍穰則使田中瓠枯死
也莫文分曰不榮殊難奪凡與心水經曰今豫州汝南郡城西北汝水左出西北流又屈而
東轉又西南會汝形若垂瓠耆老云城取名焉太康地記曰朱崖儋耳無水唯種大瓠藤斷其汁用之亦
足嶺南異物志曰儋崖種瓠成實率皆石餘嶺南異物志曰儋崖種瓠成實率皆石餘嶺南異物志曰儋崖種瓠成實率皆石餘
蜀志曰張翼字君嗣如瓠壺外澤而內鑷三國典略曰齊武成帝皇后胡氏安定人魏中書令亮州
刺史延之女也母盧氏懷孕延之初有胡僧來詣門曰此
宅瓠盧中有月

崔豹古今注曰匏壺盧也壺盧瓠之無柄者匏有柄者懸
匏可作笙曲沃者尤善秋乃可用則漆其裏

又曰瓢瓠也其摠曰匏瓠其別名

世說曰陸士衡初入洛諮張公所宜曰詣劉道真是其一
既往劉尚哀制中性嗜酒禮畢初無他言唯問東吳有長
柄壺盧卿得種來否陸兄弟殊失望乃云悔去
廣五行記曰西域夷國有石駱駝腹下出水以金鐵器取
便即漏下唯匏盧盛之則不漏飲之令人體滑香淨其國
神祕不可數遇

嶺表錄異曰胡盧笙交趾人多取無柄之瓠割而為笙上
安十三簧吹之音韻清響雅合律呂

爾雅曰蕃虞蓼

虞蓼澤蓼也蕃音卽師力切

詩曰閔予小子未堪家多難予又集于蓼言辛苦也

禮曰膾秋用蓼鶉羹雞羹鴛鴦釀之蓼藜謂切雜之也

吳越春秋曰越王欲復怨非一旦也苦思勤心夜以接日卧則以蓼

劉向別傳曰尹都尉書有種蓼篇

魏子曰君以臣為本以民為根猶室與柱梁相持也梁不強則上下俱亡故蓼蟲在蓼則生在芥則死非蓼仁而芥賊也本不可失也

任昉述異記曰長沙定王故宮有蓼園云定王故園也菜之辛者謂之蓼

吳氏本草曰蓼實一名野蓼一名澤蓼

葵

廣雅曰藟丘軌切葵也

詩曰七月烹葵及菽

爾雅曰蒹菹葵似葵而小葉狀如滑菹音戎葵今蜀葵也

木槿菹音虬蚘音不蚘房尤切今荆葵也似葵紫色也

韓詩外傳曰魯監門女相從續中夜而泣其偶問其故曰宋司馬得罪於宋出於魯馬佚食吾園葵是歲吾園亡一半越攻吳諸侯畏其威魯往獻女吾姊預焉兄往視之道畏而死由此觀之禍福相及也

陸機毛詩疏義曰菹音趨一名比不一名楚葵似蕪菁英華紫綠色可食微苦也

左傳曰齊慶克通于聲孟子鮑牽見之告國武子武子召慶克謂之夫人訴之乃別鮑牽仲尼曰鮑莊子之智不如葵葵猶能衛其足葵葉向日以蔽其根也

史記曰公儀休為魯相食茹而美拔去園葵也

晉書曰江統上太子書曰今西園賣葵菜藍子雞麩之屬

虧敗國體貶損政令北齊書曰王攸字子深少孤獨種葵三畝數被人盜之王

攸密令人書葵葉下明且市中看之遂得偷者管子曰桓公北伐山戎出冬葵布之天下桓公憂北郭民

貧管子請禁去市三百步者不得樹葵菜此則空有以相

淮南子曰聖人之於道猶葵之與日雖不能與終始其鄉

之誠也鄉仰誠實也繆襲祭儀曰夏祀和羹茗以葵中而對其神因其地

列仙傳曰丁次都不知何許人也為遼東丁氏作人丁氏

嘗使買葵冬得生葵問冬何得有葵云從日南買來

列女傳曰魯漆室有女過時未適人倚柱而嘆鄰婦謂曰

何悲也欲嫁乎女曰吾憂魯君老而太子少也婦曰此魯

大夫憂也女曰昔有管客舍吾家繫馬於園馬佚踐吾園

葵使吾終歲不馱葵味鄰女奔亡借吾兄追之霧出以求

溺流而死使吾終身無兄吾聞河潤九里漸洳三百步今

魯國微弱亂將及人三年魯果亂

師曠占曰黃帝問師曠曰欲知牛馬貴賤秋葵下小葵生

牛馬貴大葵不蟲牛馬賤博物志曰陳葵子微火炒令爆吃散著熟地中遍踏朝種

暮生遠不過宿陳葵子秋種覆蓋令經冬不死至春有子是也

潘岳閑居賦曰綠葵含露白薤負霜鮑明遠葵賦曰別有鴨脚腫耳言葵似之

古歌辭曰採葵莫傷根傷根葵不生結交莫羞貧羞貧交

不成

燕菁

爾雅曰須葑菘音也須未聞江東呼燕菁燕菘菘

尚書曰荊州厥貢苞匭菁茅菁以爲菘也

詩曰採葑採菲無以下體葑菘也菲芴也下體根莖也箋云葑蔓菁與菘之類皆上下可

食然其根有美時有惡時

又曰爰采葑矣沫之東矣箋云葑蔓菁也

又曰采苓好聽讒也采葑采葑首陽之東人之爲言苟亦

無從葑菜也

陸璣毛詩疏義曰采葑燕菁也郭云今菘菜也可食少味

東觀漢記曰桓帝永興二年詔司隸蝗水爲災五穀不登

令所傷郡國皆種燕菁以助民食

吳曆曰劉備歸曹公曹公使親近視諸將有賓客酒食

者輒因事害之脩時閉門將人種燕菁公使人窺門卽去
備謂張飛曰吾豈種菜者乎曹公必有疑意不可復留其
夜輜馬而去

吳錄曰陸遜諸葛瑾攻襄陽遜遣親人韓扁抄掠瑾聞之

欲急去遜方催人種豆菘與諸將圍碁以示閑暇

齊書曰武陵王曄性清簡尚書令王儉詣曄留儉設食盤

中菘菜鮑魚而已儉重其真率爲飽食盡歡而去

又曰周顒清貧寡欲終日蔬食雖有妻子獨處山舍甚機

辨文惠太子問顒菜食何味寂勝顒曰春初早韭秋末晚

菘

梁書曰范元琰家貧唯以園蔬爲業嘗出行見人盜其菘

元琰遽退走毋問其故乃以實荅問盜者爲誰荅曰向所

以退畏其愧耻今啓其名願不泄也於是母子祕之或有

涉溝盜其筍者元琰因伐木為橋以渡之自是盜大慙一鄉無復草竊

北史曰孟信為趙郡太守政尚寬和權豪無犯山中老人會以施酒饋之信和顏接引躬勤勞問乃自出酒以鐵鎗溫之素木盤盛蕪菁菹而已

呂氏春秋曰菜之美者具區之菁浸淵之草名曰土英荆楚歲時記曰仲冬是月也菜結霜蕪菁葵等雜菜乾之並為鹹菹有得其和者並作金釵色今南人作鹹菹以糯米熬搗為末并研胡麻汁和釀之石筍音責令熟菹既甜脆汁亦酸美呼其莖為金釵股醒酒所宜也

急就篇曰老菁蕪荷冬月藏並藏蓄之以禦冬也

太平御覽卷第九百七十九

太平御覽卷第九百八十

菜茹部五

蘆服

芥

萑

蘘荷

紫菜

苦買

芹

薺

蕨

莖

苻

邪蒿

芸薹

薰菜

鹿角

胡葵

優殿

雍菜

冬風

絡葵

蕓

芩

波稜

蘆服

爾雅曰葵蘆菹

日菹宜為菹蘆菹蕪菁屬紫華大根俗為電葵菹字或作菹

方言曰蕪菁紫者謂之蘆菹

廣志曰菹別名電葵

後漢書曰劉盆子在長安時掖庭中宮女猶有數百千人

自更始敗後幽閉殿內掖庭中蘆菹根捕池魚而食之

東觀漢記

北史曰張威隋文受禪遷青州刺史在州頗事產業遣家
奴於人間鬻蕨根其奴緣此侵擾百姓上深加責坐廢於
家

正論曰理世不得真賢猶治病無真藥當用人參反得蘿
蕨根

唐新語曰開元中中書令蕭嵩以文選是先代舊業欲注
釋之奏請左補闕王智明金吾衛佐李玄成進士陳居等
注文選先是東宮衛佐馮光進入院校文選兼復注釋解
鴟蹲云今之芋子即是著毛蘿蔔院中學上向外說之蕭
嵩聞之拊掌大笑

雲南記曰雋州界綠山野間有菜大葉而麤莖其根若大
蘿蔔土人蒸煮其根葉而食之可以療飢名之爲諸葛菜
云武侯南征用此菜子蒔於山中以濟軍食亦猶廣都縣

縣山樾林謂之諸葛水也

芥

魏子曰蓼重在蓼則生在芥則死非蓼仁芥賊本不可失
也

劉向別錄曰尹都尉書有種芥葵蓼葑葱諸篇

嶺南異物志曰唐孟瑄嘗於嶺表買芥菜置壁下忘食數
日皆生四足有首尾能行走大如螳螂但胥身細長

又曰南土芥高者五六尺子如鷄卵廣州人以巨芥爲鹹
菹埋地中有三十年者貴尚親賓以相餉遺

嶺表錄異曰廣州地熱種麥則苗而不實北人將蔓菁子
就彼種者出土卽變爲芥

吳氏本草曰芥菹一名水蘇一名勞祖

尊

南越志曰石蓴似紫菜色青

集異記曰丹陽張承先家有鬼長為取它物會有客須蓴
二斗鱧魚二十頭鬼將一小兒置驃騎令小兒睡眼覺看
籃中已有蓴鱧

幽明錄曰阿東常醜奴泛湖邊拔蒲暮宿空舍時日暮見
一女姿容極美乘舸載蓴至舍寄住變而為獼

蓴荷

說文曰蓴蓴荷也一名荷苴

廣雅

崔豹古今注曰蓴荷似蓄苴而白蓄苴色紫花生根中花
未敗時可食久置則削爛不為實矣葉似薑宜蔭翳地常
依蔭而生也

搜神記曰余外婦姊夫蔣士有備客得疾下血醫以中蠱
乃密以蓴荷根布席下不使知乃狂言曰食我蠱者乃張

小人也乃呼小小亡去今世攻蠱多用蓴荷根往往驗蓴
荷或謂嘉草

葛洪方曰人得蠱取蓴荷葉着卧席下不使知立呼蠱姓
名

潘岳閑居賦曰蓴荷依陰時藿向陽

紫菜

集異記曰會稽照誕入海採菜於山上曝之夜忽見羣鬼
張目切齒欲來擊誕誕舊刀斫之見鬼悉披靡乃就誕乞
少許紫菜誕不為與

吳郡綠海記曰郡海邊諸山悉生紫菜吳賦云綸組紫絳
者也

苦買

晉書安帝紀曰義熙二年有苦買菜生楊州營莖高四尺

六寸廣二尺三寸是後歲多征伐人民積苦故苦買者買苦也

芹

爾雅曰芹楚葵

今水中芹也

詩曰虜沸濫泉言采其芹也

芹菜也

又曰泮水曰思樂泮水薄采其芹

芹水也

列子曰宋國有人其妻告之曰昔有人甘菝菽與芹子鄉豪嘗之螫於其口慘於其腸衆晒之

呂氏春秋伊尹說曰菜之美者雲夢之芹也

范汪祠制曰孟春祭有芹菹

字林曰薺音美菜生雲夢

薺

爾雅曰薺

思歷切

莫大薺

似薺細葉俗呼老薺

又曰薺才何切薺實

廣雅曰薺莫馬辛也

說文曰薺草可食

詩曰誰謂荼苦其甘如薺

茶苦菜也而君子於己之苦又甚於茶北方之茶則如甘薺

禮曰孟夏之月靡草死

薺草屬

春秋繁露曰薺以美冬水氣也薺甘味也乘於水氣故美者甘勝寒也薺之言濟所以濟大水也

淮南子曰薺麥冬生而夏死

抱朴子曰薺麥大棘仲夏而枯

物理論曰夫解小而引大了淺而伸深猶以牛刀割雞長

及刈薺

吳氏本草曰薺莫一名折目一名榮冥一名馬駒雷公神

農扁鵲辛李氏小温四月採乾二十日生道傍細辛乾薺

苦參薺實神農甘毒生野田五月五日採陰乾治腹脹

詩曰陟彼南山言採其蕨蕨薺菜也

又曰山有蕨薇隰有杞棘

晉書曰齊王秉權張翰謂郡人顧榮曰天下紛紛未已平

本山林間人無望於時去矣采南山蕨飲三江水也

爾雅曰蕨薺初生無葉可食

古詩曰山桃發紅萼野蕨漸紫苞江和山乘氣水泉好美

詩曰周原膴膴蕨茶如飴

蕨菜也茶苦菜也周之原地肥美所生茶雖有性苦者皆甘如

也

禮曰蕨苴粉榆兔薨音滄髓以滑之謂用調和飲食也苴

苴

爾雅曰齧苦蕒今蕒葵也葉似柳子如米泔食之滑

三十國春秋曰劉躬字長盛七歲喪其父哀毀踰禮曾祖

母王氏盛冬思蕒躬入澤中慟哭有蕒生焉得解餘

廣語曰夏苴秋蕒滑如粉

後魏書曰崔和為平昌太守性鄙悛埋錢百斛其母季春

思蕒惜錢不買

苴

爾雅曰苴接余其葉芹藜生水中葉圓在莖端長短流水深淺江東人食之苴音杏也

詩曰參差荇菜左右流之窈窕淑女寤寐求之苴接

邪蒿

北齊書曰刑峙字士俊以經授皇太子厨宰進太子食有

菜曰邪蒿令去之曰此菜有不正之名非殿下所宜食顯

宗聞而嘉之

天下御覽

卷之九

五

五

菜譜曰芸臺

通俗文曰芸臺謂之胡菜

韻集曰芸臺胡菜

薰菜

方言曰蘇之小者謂之穰菜

鹿角

南越志曰猴葵色赤生石上南越謂之鹿角

胡葵

石崇奴券曰奴當種蘿勒胡葵不親不疎

優殿

南方草物狀曰合浦有菜名優殿以豆醬汁茹食芳好可

食胡葵

雍菜

廣州記曰雍菜生水以為菹

冬風

廣州記曰冬風菜陸生宜肥肉作羹二者微味人甚重之

絡葵

博物志曰人食絡葵為狗齧則瘡不差或致死

蕓

字林曰蕓辛菜也

芡

字林曰芡菜似蒜生水中

波稜

唐書曰太宗時尼婆羅獻波稜菜葉類紅藍實如蒺藜火

熟之能益食味

太平御覽卷第九百八十 蘇菜蔬鹽實成蘇菜火

蘇菜

蘇林日蘇菜蘇林水中

蘇菜

蘇林日蘇菜蘇林水中

蘇菜

蘇林日蘇菜蘇林水中

蘇菜

蘇林日蘇菜蘇林水中

蘇菜

蘇林日蘇菜蘇林水中

